

حصی

LVI

# اسلام مجبوری

نکاری : " دینی بر حیات ، حیاتی بر دین " در

میل ۲ صائی ۲۷ ۲۸ جادی الاخر ۱۳۳۳  
مدیری : حلیم ثابت ۳۰ تیسان ۱۳۳۱  
جلد ۳

قرآنہ کریم

واذقیل لیم امنوا بما انزل الله . . . . . والله بصیر بما یعملون  
[حاشیہ لی مفہوم قرآندن] مرحوم مناستری رفعت

فقہ

[عثمانیلر و تشریح صلاحیتی] . . . . . حلیم ثابت  
[عثمانی دولتی تا بدایتندہ تشریح صلاحیتی استعمال ابتدی . فقط بالآخرہ فقہیلرینہ  
عباسیہ دورخی اتادہ چالشیدیلر . دوات عسکرک ، اراضی و مالیه کی خصوصالردہ  
قانونلر یاقتمدہ دوام ابتدی . فقط یوقانونلری فقہیلہ تشذیب ایدنلر یولتادی . تنظیماتجیلر  
بالعمل دیندہ انقلاب یابدیلر . حقوق ایله علمی دیندن آردیلر . فقط یوانقلابک علمی  
نظریه لرینی تأسیس ایدہمدکلرنیدن ایش یاریم قالدی . حقوقک بالظنرہ مستقل اولاسی  
ایچون دینک اوکا استقلال بخش ایتی لازمدر . بودہ انجیق اصول فقہدہ انقلاب  
یاقتملہ اولور . ]

اجتماعیات

[ حرث ، مدنیت تمدن ] . . . . . عمر سیف الدین  
[ حرامتک برمدیتی واردر . انسانیتک مشترک مالی اولان علم ، اصول و فن کی مؤسسہ لارک  
مجموعنہ ( تمدن ) نامی ویریلہ ییلیر . یوصورتلہ بزاورویالیردن یالکز تمدن آلاچنز ،  
ناصل کہ عربلردن اسلامیتلہ برابر اسلام مدنیتی آلتنز ، حرث خارچدن آلتماز بناء علیہ  
حرثم تاملیلہ ملیندر . نه اورویالیردن ، نه ده دیگر ملظردن آلتمش دکلددر . ]

فقہ

[ فقیانک تلیک عین اوزره وارد اولان اجازه نرک عدم صحتی حقدنہ یا کلش استدلاللری ،  
ویوخصوصده بک صرخ اولان آیت جلیله یی تاویل مجبیلری ] . منصوروی زاده سعید

اسلام حیرادی

[ جہاد خبرلری ، رسمی تبلیغاتہ کورہ ]

نسخہ سی ۶۰ پارہ در

توزیع یری د زمان کتبخانہ سیدر ،

مطبوعہ خیریه و شرکاسی

- ۱ — اوروپادن (ژاپوندر کبی) یالکتر تمدن آلاجنز، چونکہ بین الاممدرہ  
 ۲ — اوروپادن قطعاً «مدینت» آلمایاجنز۔ چونکہ بو بین المملدرو اوروپا  
 مدینتی خرسٹیان اولان اوروپا ملترینہ مخصوصدر۔ بزم بین الملمتیز اسلامقدزہ  
 مدینتمزدہ مسلمان ملترہ خاص اولان «اسلام مدینتی» اولاجقدر۔ [۱]  
 ۳ — حرثہ کلنجہ؛ اونی نہ اوروپادن، نہ باشقا یردن... اونی هیچ هیچ  
 بریردن آلمایاجنز۔ بوتون ملترگی کبی بزم حرثمزدہ ملیدر۔ لاکن یازیق کہ  
 بوکونہ قادر بز اونی آرا یوب بولماشز۔

عمریفت الین

فقہ

### اجہاد خطاری

فقہاء اجارہ بی بدل مقابلندہ منافعی تملیکدر دیہ تعریف ایدیورلر وصورکرا:  
 عینری تملیک اوزرہ جریان ایدن اجارہ لک صحیح اولدینغہ قائل اولدقاری  
 ایچون بوقیلدن اولان اجارہ لک عدم صحتی بیان ایدرلر ایکن «چونکہ اجارہ،  
 تملیک منافعدن عبارتدر، اجارہ اولہ تعریف اولتیور۔ منقحت ایسہ عرضدر،  
 عین دکلددر۔ بناء علیہ تملیک منافع تعیری، بو کبی عینری تملیک شامل  
 اولہ ماز دیورلر۔

کتب فقہیہ دن ہر ہانکیسنہ مراجعت ایدیہ جک اولور ایسہ کوریلیر کہ  
 فقہاء بوقیلدن اولان اجارہ لک عدم صحتی ادطاری بیولہ، اجارہ نک تملیک  
 منافع دیہ تعریفی اوزرہ تأسیس ایدیورلر، بونلردن ہر ہانکیسنک عدم صحتی  
 بیان ایدیہ جک اولورلر ایسہ عرض ایتدیکم وجہلہ «چونکہ اجارہ تملیک منافعدر۔  
 اوصورتلہ تعریف ایدیور۔» دیہ سبب وعلت و بیان ایدیورلر۔

مثلاً: یرمدت ایچون صوتی قوللامق کندی منافعہ صرف واستہلاک ایتک  
 اوزرہ بر قویوی استیجار ایتک صحیح دکلددر۔ چونکہ بو صورتدہ عرض  
 [۱] مع مافیہ۔ مدینت تکامل ایدرہ۔ اسی اسلام مدینتی عرب حرثدن دوغمشدی۔  
 یکی اسلام مدینتی، باشدہ تورک حرثی اولق اوزرہ بوتون اسلام ملترینک حرثری  
 مجموعندن دوغاجقدر۔

اولان منفعت دکلده عین قیلدن اولان صوتلیک ایدیلیور عین اولان صوء  
صرف واستهلاک اولتیور . اجاره ایسه بویه تملیک عین دکل ، تملیک منفعتدن  
عبارتدر دیه بیاناتده بولتیورلر .

فرض ایدهلم فقهانک زعم ایتدکری کبی تملیک منافع تعیری تملیک عین  
اوزره جریان ایدن اجاره لره شامل اولسون .

شوحالده اجاره بی تملیک منافع دیه تعریف، تملیک عین اوزره وارد اولان اجاره لره  
عدم صحتی اوزره تأسیس اولمش و آنک نتیجه سی اولوق اوزره قبول ایدلمش بر تعریف  
اولمازمی ؟ چونکه بوقیل اجاره لره صحتی تقدیرنده آرتق اجاره ، بونلره شامل  
اولیان ، بونلره شمولی فرض ایدلمان تملیک منافع تعیر قاصریله تعریف اولونورمی ؟  
اوصورتده : تملیک عین اوزره وارد اولان اجاره لر صحیح اولدیغی حالده بونلره  
شامل اولیور دیه تعریف، آچقندن آچیغه تقض ایدلازمی .

تعریفلر، دائماً معرفه تابع اولور، معرفت درجه شمولی نه ایسه تعریفده  
اکاکورمه وضع اولور، معرفت شمولی نسبتده تشمیل ایدیلیر . بناء علیه  
تعریفدن اول معرفت افراد و اغاری یعنی معرفت نه کبی شیلره شامل اولوب  
اولدیغی بیلنیک اقتضا ایدر . چونکه تعریف ، معرفت یوتون افرادی دائرة  
شمولنده جمع ایدر . اغاریخده مع ایدر صورتده وضع اولوق لازم کلیر .  
بونلر ، معرفت لره شرایط اناسیه سندنر . بویولده وضع اولیمان تعریف ،  
صحیح دکلدر .

اشته تعریف لره شو مقتضیاتنه نظراً اجاره حقتده وضع اوله حق تعریف،  
اول امرده عینلری تملیک اوزره جریان ایدن اجاره لره صحه و بطلانی حقتده  
بر حکمک سبق ایتمی اقتضا ایدر . چونکه اجاره نك تعریفی ، بونلره صحتی  
تقدیرنده باشقه، بطلانی تقدیرنده باشقه دورلو اولمی لازم کلیر . بونلره بطلانی  
قبول ایدیلیر ایسه اغار معرفدن اولورلرده تعریفک بونلره شامل اولماسی  
ایجاب ایدر . وبوصورتده بونلره شامل اولدیغی ادعا ایتدکری تملیک منافع  
تعیریله تعریف اوله بیلیر . یوق بالعکس صحته قائل اولورلر ایسه او تقدیرده  
افراد معرفدن اولورلرده آنلره شامل اولیمان تملیک منافع تعیریله تعریف صحیح اولماز .

خلاصہ: صورت تعریفك شمول نقطہ سندن تعیینی ایچون تعریفدن اول اوکی اجاره لر  
حقتده صحیحدر ویا باطلدر . دیه بر حکمك سبق ایتمی ایجاب ایدر .

بناءً علیہ اگر فقہا اجاره حقتده وضع ابتدکاری تعریف شرائطی دائرہ سنده  
وضع اولنش بر تعریف صحیحدر دیه ادعا ای دیورلر ایسه او حالده بوقیل اجاره لرک  
بطلانی نظر لرنده تعین ایتمش ده صکره آنک نتیجه سی اوله رق اوکی اجاره لر شامل  
اولیان تملیک منافع دیه تعریف ایتمش لر دیمک اولور . یوقه معرفك اغیاری  
یلنمه دن نصل تعریف اولتور ؟

شوالده برده آرتق بوکی اجاره لر صحیح دکلددر . چونکه اجاره تملیک  
منافدر ، اولیه تعریف اولتور . دیمک اولورمی ؟

اشته عرض ایتمیکم وجهله کتب فقہیہ دن هانکیسنه مراجعت ای دیلیرسه  
ایدلسون کوریلرکه فقہا ، اجاره بی تملیک منافدر دیه تعریف ای دیورلر بوکی  
اجاره لرک عدم صحتی بیان صرم سنده ده چونکه اجاره تملیک منافدر . اولیه تعریف  
اولتور دیه رک بونلرک عدم صحته حکم ، تعریف نتیجه سیدر . تعریفدن نشئت  
ایتمشدر دیمک ایستورلر .

هیچ تعریف اوزرینه سبق ایدن حکم ، تعریفك نتیجه سی اولورمی ؟  
اجاره ، نهدن تملیک منافع دیه تعریف اولونیسور . ایضاح وتفصیل ایتمیکم  
وجهله تملیک عین اوزره جاری اولان اجاره لر صحیح اولدینی ایچون دکلی ؟  
برده بالمعکس اجاره او یولده تعریف اولدینی ایچون اوقیلدن اولان اجاره لر  
صحیح دکلددر دیله بیلیرمی ؟

آرتق بو ، « اجاره تملیک منافدر دیه تعریف اولتور چونکه تملیک  
عین اوزره وارد اولان اجاره لر ، صحیح دکلددر . تملیک عین اوزره وارد  
اولان اجاره لر ، صحیح دکلددر . چونکه اجاره تملیک منافدر دیه تعریف  
اولتور ، دیمک اولمازمی ؟

هیچ بویله عکس ای دیلهرک دلیل دعوی ، دعوی دلیل اولورمی ؟ ! بو ،  
مصادره علی المطلب ، دور دکلدده نهدر ؟  
برده شوجهته عطف نظر ایده لم شویله که: بیانات سابقه ، عرض ایتمیکم وجهله -

منافع تعیری عنہ شامل دکلدز . چونکہ منفعت عرضدر عین دکلدز . کجی عرفہ مستند اولان شلردہ فلسفہ اساسلرخنی، عرض، جوہر تقسیملرخنی اساس اتحاد ایدرک فقہ و شریعتک اساسی اولان عرفہ مخالف بوتان سوزلری قبول ایدلدیکی تقدیرہ کورہ در .

یوقہ عرفدہ بوکجی اجارہ لردہ صرف واستہلاک اولتان عینلر منافعدن معدوددر . مثلاً اوت جبارک سوت قویونک صو ، قویونک منافعدن عداولتور و بناء علیہ تملیک منافع تعیرینک بوکجی اجارہ لردہ سندیق و شمولتیدہ اشتیاء اولتہ ماز . فقہاء اجارہ بی علی خلاف القیاسدردیہ او قدر تضییق ایدیورلر کہ قولایقلہ هیچ بر نوع اجارہ نک جوازینہ قائل اولہ میورلردہ بویہ خلاف عقل و منطق سوزلردہ بوتیورلر هیچ « تملیک عین » و یا خود تعیر آخرلہ « استہلاک عین » اوزرہ جریان ایدن اجارہ لر منع اولتہ بیلیری بو نوع اجارہ بیہ اولان احتیاج ناسدن و ہر دورلو بو قیل اجارہ لرک جواز و صحتی تأیید ایدن اسباب و عللدن نظر قطع اولوسدہ بونلرک جواز و صحتی ایچون یا لکنز « فان ارضن لکم فآتوا اجورهن » آیت جلیلہ سی کافیدر . بو آیت جلیلہ دن دہا قطعی دہا صریح برذیل دہا تصور اولتہ ماز بو آیت جلیلہ ، آچقندن آچیغہ ارضاع مقابلتہ اجرت ویرلسنی امر ایچیسورمی ؟ اجارہ سز اجرت اولورمی ارضاع ، عین اولان سوتی استہلاک دکلی ؟

آرتق شرعاً : عین اولان شیلری صرف واستہلاک ایتمک اوزرہ اجارہ عقد اولتہ ماز . بیلم نصل دینیر ؟ !

بو آیت جلیلہ بو قدر صریح و قطعی اولہرق استہلاک عین اوزرہ اجارہ لرک جوازینہ دلالت ایتدیکی خالدہ بونی دہ تاویل ایدیورلردہ سوت آنا اولہ سوتی ایچون دکل خدمت ایچون استیجارا اولتورمش ، مقصد سوت دکلدہ خدمت ایمش ، بو آیت جلیلہ نک تاویل فقہیسی بویلہ در . دیورلر . هیچ سوت آنادن چوجو غنک قوام حیاتی اولان سوت مقصد اولماز دہ باشقہ مقصد اولورمی .

منصوری زادہ

حیر